

Prezidento de Irano vizitos Kubon



Ilustra bildo prenita de Minrex

Havano, jun 13 (RHK) La kuba Ministerio pri Eksteraj Aferoj anoncis ĉi-lunde, ke la ajatolo Seyed Ebrahim Raisi, prezidento de la Islama Respubliko Irano, komencos oficialan viziton al la plej granda insulo en Antiloj, ĉi-merkredon, la 14-an de junio.

Laŭ noto publikigita en sia retejo, la Ministerio de Eksterlandaj Aferoj indikis, ke dum sia restado, kiu daŭros ĉis ĉaŭdo la 15-an, la vizitanto interparolos kun kubaj aŭtoritatoj kaj faros aliajn interesajn agadojn.

Kubo kaj la Islama Respubliko de Irano konservis seninterrompajn diplomaciajn rilatojn ekde la 8-a de aŭgusto 1979.

La pasintan februaron, kuba prezidento Miguel Díaz-Canel akceptis en Havano Hossein Amir Abdollahian, ministron pri eksteraj aferoj de Irano.

Tiam, la eminentulo ratifis la volon kaj potencialon plifortigi la reciprokajn rilatojn inter ambaŭ landoj surbaze de amikeco kaj kunlaboro.

Fonte: ACN

<https://www.radiohc.cu/eo/noticias/nacionales/325380-prezidento-de-irano-vizitos-kubon>



Radio Habana Cuba